

Atvinnuvega- og nýsköpunarráðuneytið
Annas Sigmundsson
Skúlagötu 4
150 Reykjavík

Súðavík, 9. mars. 2018

Efni: Sérreglur vegna úthlutunar byggðakvóta fiskveiðiárið 2017-2018

Vísað er í bréf dagsett. 11. sept. 2017 þar sem er upplýst er að Súðavík hafi verið úthlutað 166 þorskígildistönnum vegna fiskveiðiársins 2017/2018 og ef sveitarfélög vilji setja sérstök skilyrði varðandi úthlutun byggðakvóta skal skila inn rökstuddum tillögum til ráðuneytisins.

Súðavíkurreppur hefur frest frá Atvinnuvega og nýsköpunarráðuneytinu til að senda inn sérreglur vegna úthlutunar byggðakvóta fiskveiðiárið 2016 – 2017 til 9. mars 2018.

Á 51. fundi sveitarstjórnar Súðavíkurrepps sem haldinn var þann 8. mars. 2018 var eftirfarandi tillaga samþykkt:

Sveitarstjórn Súðavíkurrepps leggur fram eftirfarandi sérreglur vegna úthlutunar byggðakvóta sveitarfélagsins fyrir fiskveiðiárið 2017/2018:

Ákvæði reglugerðar nr. 604/2017 gilda um úthlutun byggðakvóta fyrir Súðavík með eftirfarandi viðauka/breytingum:

- a) *a-liður 1. gr. breytist þannig: Hafa leyfi til veiða í atvinnuskyni, sbr. 4. gr. laga nr. 116/2006 eða frístundaveiðileyfi skv. 2. tl. 4. mgr. 6. gr. sömu laga, við lok umsóknarfrests.*
- b) *b-liður 1. gr. breytist þannig: Eru skráð í viðkomandi byggðarlagi 1. desember 2017.*
- c) *1. másl. c-liðar 1. gr. breytist þannig: Eru í eigu eða leigu einstaklinga eða lögaðila með heimilisfang í viðkomandi byggðarlagi 1. desember 2017.*
- d) *Ákvæði 1. másl. 1. mgr. 4. gr. breytist og verður: Skipting þess aflamarks, sem nú kemur í hlut byggðarlags, auk þess aflamarks byggðarlagsins sem kann að vera eftir af úthlutun fyrra fiskveiðiárs, skal að öðru leyti fara fram til einstakra fiskiskipa sem uppfylla skilyrði 1. gr., sbr. og reglur um sérstök skilyrði fyrir úthlutun byggðakvóta í einstökum sveitarfélögum sem ráðuneytið staðfestir samkvæmt 2.-3. gr., eftir því sem við á, á þann veg að 20% byggðakvóta Súðavíkur skal skipt jafnt á skip með leyfi til sæbjúgnaveiða og uppfylla skilyrði 1. gr. reglugerðarinnar, 20% byggðakvóta Súðavíkur skal skipt jafnt milli þeirra fiskiskipa sem uppfylla skilyrði 1. gr. reglugerðarinnar og eru með frístundaveiðileyfi. 60% byggðakvótans í Súðavík skal skipt jafnt á þá báta sem landað hafa 50% eða meira af sínum afla, fiskveiðiárið 2016/2017 í Súðavík og uppfylla skilyrði 1. gr. reglugerðarinnar.*
- e) *Ákvæði 1. másl. 1. mgr. 6. gr. breytist og verður: Fiskiskipum er skylt að landa ° þeim afla í Súðavík sem telja á til byggðakvóta, og einnig úthlutuðum byggðakvóta, til vinnslu í Súðavík á tímabilinu frá 1. september 2017 til 31. ágúst 2018.*

Greinargerð:

Súðavík á rétt á úthlutun 165 þorskígildistonna á fiskveiðiarinu 2017-2018. Eftirstöðvar frá fyrra ári voru 46 tonn. Samtals verða þetta 211 tonn.

Vestfiskur ehf verður kaupandi alls aflans og mun vinna aflann á staðnum.

Vestfiskur vinnur/ herdir harðfirsk í Súðavík. Við fyrirtækið eru nú 6 heilsársstörf á svæðinu. Mikilvægt er að treysta þann grundvöll sem fyrirtækið þarf að hafa til að það nái að nærast, og vonandi að eflast, í súðvísku atvinnuumhverfi sem sárlega hefur þörf fyrir slíkt fyrirtæki. Vonir standa til um að geta sýnt fram á eftir komandi fiskveiðiar 2017 – 2018 að fyrirtækið sé lífvænlegt og geti vel verið öflugt tannhjól í gangverk atvinnulífsins hér í Súðavík á komandi árum.

Eins og kemur glögglega fram í samþykktum sérreglum sveitarstjórnar er það skýlaus krifa sveitarstjórnar að öllum afla, hvort sem það er mótframlag fyrir byggðakvóta eða úthlutaður byggðakvóti á fiskveiðiarinu 2017 – 2018 verði lagt upp í Súðavík og unnin í vinnslu í Súðavík.

Sveitarstjórn er meðvituð um verklag Vestfisks og ítrekar að með þessum hætti er mögulegt að halda úti vinnslu, með 6 heilsársstöfum, sem áður hefur ekki tekist, með framlagi úthlutaðs byggðakvóta, sem er gífurlega mikilvægt fyrir lítið sjávarpláss.

Ný breyta er komin í inn byggðakvótareglur Súðavíkurhrepps 2017 – 2018.


Nýtt fyrirtæki hefur ákveðið að hasla sér völl í Súðavík og vinna sæbjúgu. Á fyrsta ári mun þetta fyrirtæki vera með 5 heilsársstörf. Í fullri keyrslu verða 9 heilsársstörf í fyrirtækinu. Sveitarstjórn Súðavíkurhrepps óskar eftir heimild ráðuneytisins til að úthluta 20% af byggðakvóta sveitarfélagsins til fiskiskipa með leyfi til sæbjúgnaveiða. Með þessari ráðstöfun væri komin frábær nýting á byggðakvóta samfélagsins, með aukningu á 5 heilsársstörf.

Þetta þýðir að byggðakvótapotturinn verður þrískiptur, fyrir frístundabáta, fyrir fiskiskip sem hafa leyfi til sæbjúgnaveiða, og síðan hefðbundna krókaafلامarksbáta.

Með þeirri skiptingu, eins og kveðið er á um í samþykktum sérreglum sveitarstjórnar, er reynt að ramma betur inn umhverfi þeirra sem fá úthlutaðan byggðakvóta í Súðavík þannig að þeir landi öllum tilætludum afla í Súðavík, sem er afar mikilvægt, svo að tilgangur þessarar opinberu byggðaaðgerðar, sem byggðakvóti er nái fram að ganga.

Óskað er eftir staðfestingu ráðuneytisins á fyrirnefnd atriði.

Virðingarfyllst,
f.h. Súðavíkurhrepps


Pétur G. Markaðs
- sveitarstjóri -